



**BOSNA I HERCEGOVINA
SUD BOSNE I HERCEGOVINE
S A R A J E V O**

**Krivično odjeljenje - Odjel II za organizirani kriminal,
privredni kriminal i korupciju**

**Broj: X-K-09/701
Sarajevo, 06.05.2010. godine**

U IME BOSNE I HERCEGOVINE!

*SUD BOSNE I HERCEGOVINE, u pretresnom vijeću sastavljenom od sudija Radević Gorana kao predsjednika Vijeća, te sudija Strika Mirsada i Anđelka Marijanovića, kao članova Vijeća, uz suajelovanje pravne savjetnice-asistentice Gadžo Mirele, kao zapisničarke, u krivičnom predmetu protiv **KURTOVIĆ KENANA** iz Sarajeva, po optužnici Tužilaštva BiH, brcj KT-208/09 od 30.11.2009. godine, potvrđene dana 04.12.2009. godine, zbog krivičnog ajela organizirani kriminal iz člana 250. stav 4. Krivičnog zakona BiH, u vezi sa krivičnim ajelom neovlašteni promet opojnim drogama iz člana 195. stav 1. Krivičnog zakona BiH i krivičnog ajela iz člana 52. stav 1., tačka a) Zakona o nabavijanju, držanju i nošenju oružja i municije („Službene novine kantona Sarajevo“, brcj 1/06), nakon održanog javnog ročišta za razmatranje sporazuma o priznanju krivnje i pretesa za izricanje krivičnopravnih sankcija i mjera, u prisutnosti tužioca Tužilaštva BiH Šuškić Ismeta, te optuženog lično i njegovog izabranog braniteija Kapo Muhidina, advokata iz Sarajeva, dana 06.05.2010. godine donio je i potom isti dan javno objavio slijedeću*

P R E S U D U

OPTUŽENI: **KURTOVIĆ KENAN**, zv. „Lepi“, sin Behudina i majke Azre rođ. Bunjo, rođen 23.04.1981. godine u Priboju, Republika Srbija, Bošnjak, državljanin R. Srbije i BiH, po zanimanju šumarski tehničar, zaposlen na mjestu konobara u Klubu „Boemi“ u Sarajevu, nastanjen u ulici Hasana Sušića broj 10, Sarajevo općina Centar, prema CIPSU i neprijavljenim boravištem na adresi ulica Porodice Ribar broj 37/3 općina Novo Sarajevo, JMBG 2304981171116, nalazio se u pritvoru po rješenju Suda BiH broj X-K-09/701 od 21.01.2010. godine, isti je ukinut rješenjem Suda BiH broj X-K-09/701 od 06.05.2010. godine,

K R I V J E

ŠTO JE:

1. U vremenskom periodu od septembra 2008. godine do 05. marta 2009. godine, u namjeri pribavljanja finansijske koristi, a nakon što je postao pripadnik zločinačke organizacije, u smislu čl. 1. st. 19. Krivičnog zakona BiH, što podrazumijeva da je kao pripadnik imao unaprijed tačno određenu ulogu u organizovanoj grupi koju je izvršavao po nalogima sebi „pretpostavljenih“, gdje je bez ovlaštenja nabavio, od njemu poznatih lica, veću količinu opojne droge heroin, a radi dalje međunarodne prodaje, koja droga je prema Konvenciji

UN protiv nezakonitog prometa opojnih droga i psihotropnih supstanci iz 1988. godine ("Službeni list R BiH", br. 25/93) i Rješenjem o spisku opojnih droga („Službeni list RBiH“ br. 2/92 i 13/94), proglašena opojnom drogo i čiji je promet zabranjen, bez dozvole nadležnog organa, shodno odredbama Zakona o sprječavanju i suzbijanju zloupotrebe opojnih droga („Službeni glasnik BiH“, broj 8/06), te nakon što je u tri navrata prodao nabavljenu drogu VUKAŠINOVIĆ EDVARDU iz Vodnjana, R. Hrvatska, i to u dva navrata u većoj, za sada neutvrđenoj, količini i za sada za neutvrđeni iznos novca, a dana 05.03.2009. godine prodao VUKAŠINOVIĆ EDVARDU 1983 grama ove opojne droge, a prema ranijem dogovoru sa njim, koju drogu je upakovao u PVC vrećicu žute boje sa četiri oblijepljena paketa i predao DŽANOVIĆ MEDINI sa zadatkom da drogu iz BiH – Sarajeva, po dogovoru i uputama između njega - KURTOVIĆ KENANA i DŽANOVIĆ MEDINE u ranim jutarnjim satima svojim vozilom marke „Golf II“, plave boje, reg. oznake 558–J-934, preveze do mjesta Vodnjan u R Hrvatskoj i preda VUKAŠINOVIĆ EDVARDU, što je i učinila i to predala mu ovu drogu za novac u valuti Euro, koji joj je ostavljao isti u pretinac njenog vozila u većoj svoti, a koji novac je nosila, po dogovoru, u Sarajevo njemu - KURTOVIĆ KENANU, koji je iz te svote odvajao iznos od po 1.000 EUR-a i plaćao joj za navedenu uslugu za koju uslugu je u dva navrata dobila ukupno od njega 2.000 EUR-a,

2. Dana 04.05.2009. godine u Sarajevu, u ul. Porodice Ribar br. 37, općina Novo Sarajevo, u stanu kojeg privremeno koristi KURTOVIĆ KENAN, bez odobrenja nadležnog organa držao municiju koja je prilikom pretresa, po naredbi Suda BiH br. X-KRN-09/701 od 21.04.2009. godine, pronađena i to: 22 kom metaka i 14 kom metaka 7,65 cal. browning, a čije je nabavljanje, držanje, i nošenje zabranjeno, protivno odredbi čl. 8. i 9. Zakona o nabavljanju, držanju i nošenju oružja i municije (Službene novine KS“, br. 38/07),

ČIME JE počinio

- (1) pod tač. 1. izreke ove presude krivično djelo organizirani kriminal iz člana 250. stav 4. Krivičnog zakona BiH, u vezi sa krivičnim djelom neovlašten promet opojnim drogama iz člana 195. stav 1. Krivičnog zakona BiH,
- (2) te pod tačkom (2) izreke ove presude krivično djelo iz člana 52. stav 1., tačka a) Zakona o nabavljanju, držanju i nošenju oružja i municije ("Službene novine kantona Sarajevo", broj 1/06),

pa Sud Optuženog **KURTOVIĆ KENANA,**

1. za počinjeno krivično djelo organizovani kriminal iz člana 250. stav 4. Krivičnog zakona BiH u vezi sa krivičnim djelom neovlašteni promet opojnim drogama iz člana 195. stav 1. Krivičnog zakona BiH, na osnovu odredbi čl. 39., 40., 42., 48. Krivičnog zakona BiH, a u vezi sa Sporazumom o uvjetima priznanja krivnje optuženog,

O S U Đ U J E

**NA KAZNU ZATVORA
U TRAJANJU OD 2 (DVIJE) GODINE.**

Na osnovu člana 57. Krivičnog zakona BiH optuženom se u izrečenu kaznu zatvora uračunava vrijeme provedeno u pritvoru od 04.05.2009 do 09.07.2009. godine, kao i od 21.01.2010. godine do 06.05.2010. godine.

2. za počinjeno krivično djelo iz člana 52. stav 1. tačka a) Zakona o nabavljanju, držanju i nošenju oružja i municije (Službene novine Kantona Sarajevo br. 1/96), na osnovu odredbi čl. 39., 40., 46., 47. 48., a u vezi sa Sporazumom o uvjetima priznanja krivnje optuženog,

O S U Đ U J E

NA NOVČANU KAZNU U IZNOSU OD 1.000,00 (HILJADU) KM,

Koju novčanu kaznu je optuženi dužni platiti u roku od 2 (dva) mjeseca od dana pravosnažnosti presude, a ukoliko djelimično ili u cijelosti optuženi ne plati izrečenu novčanu kaznu u datom roku, na osnovu odredbi člana 47. Krivičnog zakona BiH, novčana kazna će se zamjeniti kaznom zatvora tako što će se za svakih započelih 50,00 (pedeset) KM novčane kazne odrediti jedan dan zatvora, s tim da ne može prekoračiti propisanu kaznu za to djelo, a ako se isplati samo dio novčane kazne, ostatak će se srazmjerno pretvoriti u kaznu zatvora.

Na osnovu člana 74. Krivičnog zakona BiH **izriče se**

MJERA SIGURNOSTI

ODUZIMANJA PREDMETA

ODUZIMA SE od optuženog **KURTOVIĆ KENANA** municija i to 36 kom metaka u kutiji s natpisom 7,65 cal. „Browning“, privremeno oduzetih prema potvrdi o privremenom oduzimanju predmeta FMUP – FUP-a br. 13/4-sl-2 od 04.05.2009. godine, a koji privremeno oduzeti predmeti su pohranjeni u FMUP – FUP.

Na osnovu člana 110. Krivičnog zakona BiH Sud donosi odluku o

ODUZIMANJU IMOVINSKE KORISTI PRIBAVLJENE KRIVIČNIM DJELOM

Od optuženog **KURTOVIĆ KENANA**

ODUZIMA SE protipravna imovinska korist pribavljena navedenim krivičnim djelom u iznosu od **4.000,00 KM**, koji iznos je optuženi dužan uplatiti u korist budžeta Bosne i Hercegovine u roku od 4 (četiri) mjeseca od dana pravomoćnosti ove presude, pod prijetnjom prinudnog izvršenja.

Na osnovu člana 188. st. Zakona o krivičnom postupku BiH optuženi se obavezuju na plaćanje troškova krivičnog postupka u iznosu od 1.798,04 KM (troškovi Tužilaštva BiH) i 100,00 KM (sudski paušal), u roku od 60 dana od dana pravosnažnosti presude, pod prijetnjom prinudnog izvršenja.

O b r a z l o ž e n j e

Tužilaštvo Bosne i Hercegovine podnijelo je optužnicu protiv **KURTOVIĆ KENANA** iz Sarajeva, broj KT-208/09 od 30.11.2009. godine, koja je potvrđena dana 04.12.2009. godine, zbog osnovane sumnje da je počinio krivična djela, i to pod tač.1. optužnice (1) krivično djelo organizirani kriminal iz člana 250. stav 4. Krivičnog zakona BiH, u vezi sa krivičnim djelom neovlašteni promet opojnim drogama iz člana 195. stav 1. Krivičnog zakona BiH, te pod tačkom (2) optužnice krivično djelo iz člana 52. stav 1., tačka a) Zakona o nabavljanju, držanju i nošenju oružja i municije („Službene novine

kantona Sarajevo“, broj 1/06), s prijedlogom da se optuženi nakon provedenog postupka oglasi krivim, te mu se izreknu odgovarajuće krivično-pravne sankcije i mjere.

Optuženom se sudilo pod mjerom pritvora, a nalazio se u pritvoru po rješenju Suda BiH, broj X-K-09/701 od 21.01.2010. godine, koji je ukinut i zamijenjen mjerama zabrane rješenjem Suda BiH, broj X-K-09/701 od 06.05.2010. godine.

U toku suđenja tužitelj, optuženi i branitelj su dostavili su ovom Sudu Sporazum o priznanju krivnje optuženog, koji je zaključen dana 23.04.2010. godine pod brojem KT-208/09, između tužitelja tužilaštva Tužilaštva BiH, ŠUŠKIĆ ISMETA, s jedne strane, te optuženog KURTOVIĆ KENANA i branitelja optuženog advokata KAPO MUHIDINA iz Sarajeva, s druge strane.

Ovim Sporazumom optuženi je priznao da je kriv za predmetna krivična djela, i to po tač.1. optužnice (1) za krivično djelo organizirani kriminal iz člana 250. stav 4. Krivičnog zakona BiH, u vezi sa krivičnim djelom neovlašteni promet opojnim drogama iz člana 195. stav 1. Krivičnog zakona BiH, te pod tačkom (2) optužnice za krivično djelo iz člana 52. stav 1., tačka a) Zakona o nabavljanju, držanju i nošenju oružja i municije („Službene novine kantona Saarajevo“, broj 1/06), kako je to navedeno u optužnici. Stranke i branilac su saglasni da se optuženom za djelo pod tačkom 1. Optužnice izrekne kazna zatvora u tajanju od 2 (dvije) godine i da se na osnovu člana 57. Krivičnog zakona BiH optuženom u izrečenu kaznu zatvora uračuna vrijeme provedeno u pritvoru, da se za djelo pod tačkom 2. optužnice izrekne novčana kazna u iznosu od 1.000,00 KM, te da mu se izreknu mjera sigurnosti oduzimanja predmeta, kao i da mu se oduzme imovinska korist pribavljena krivičnim djelom u iznosu od 4.000,00 KM, a sve kako je navedeno u izreci. Potpisivanjem Sporazuma optuženi se obavezao da će nadoknaditi troškove krivičnog postupka u iznosu od 1798,04 KM (troškovi Tužilaštva BiH) kao i sudske troškove koliko budu odmjereni.

Sud je u skladu sa članom 231. Zakona o krivičnom postupku BiH saslušao optuženog na okolnosti iz stava 4. citiranog člana zakona, te je prihvatio navedeni Sporazum o uvjetima priznanja krivnje optuženog, s obzirom da je utvrđeno da postoji dovoljno dokaza da je optuženi počinio krivična djela koje mu se stavljaju na teret, utvrdivši da je do navedenog Sporazuma o uvjetima priznanja krivnje optuženog došlo dobrovoljno, svjesno i sa razumijevanjem optuženog, te nakon upoznavanja optuženog o mogućim posljedicama uključujući i posljedice vezane za oduzimanje predmeta i troškove krivičnog postupka, kao i predložene krivično-pravne sankcije.

Sud je nakon uvida u krivični spis utvrdio da postoji dovoljno dokaza o krivnji optuženog, i to na osnovu priznanja optuženog, dokaza koji su provedeni tokom suđenja, kao i drugih dokaza u koje je Sud izvršio uvid prilikom razmatranja Sporazuma: Izvještaj o izvršenom krivičnom djelu protiv osumnjičenog Kurtović Kenana, broj:09-13/4-KU-37/09, od 05.05.2009. godine sa priložima iz izvještaja, Zapisnik FMUP - FUP o prepoznavanju osoba – predmeta br. 13/4-91 od 25.03.2009. godine, od strane Džanović Elze sa fotodokumentacijom FUP Centra za forenziku i podršku, Odjeljenja za krim.tehniku Sarajevo, br. 09-14-1-392 od 09.04.2009. godine, Potvrde o privremenom oduzimanju predmeta FMUP – FUP br. 13/4-sl-1, 13/4-sl-2, 13/4-sl-3, 13/4-sl-4, od 04.05.2009. god. sa zapisnicima o pretresanju, Izvještaj FMUP – FUP Centra za forenziku i podršku Sarajevo odjeljenje za KDZ i TZ br. 09-14/4-04-5-2869 od 10.06.2009. godine o očitavanju podataka sa mobilnog telefonskog aparata i SIM kartice, Zapisnik Tužilaštva BiH br. KT-208/09 od 06.05.2009. godine o ispitivanju osumnjičenog Kurtović Kenana, sa zapisnikom FMUP – FUP broj 13-4-sl od 04.05.2009. godine o ispitivanju osumnjičenog Kurtović Kenana, Zapisnik o saslušanju svjedoka Džanović Elze od 26.06.2009. godine u Tužilaštvu BiH i Zapisnik o saslušanju svjedoka Džanović Elze od 07.08.2009. godine u Županijskom sudu u Puli, i Zapisnik FRMU – FUP-a br. 13/4-sl-1 od 12.03.2009. godine o saslušanju svjedoka Džanović Elze, Zapisnik MUP RH, Zagreb, o vještačenju Odjela za kemijsko fizikalna i toksikološka vještačenja, broj: 511-08-114/2-2203/09.IG, Od 25.03.2009. godine, sa nalazom i mišljenjem, pribavljen putem međunarodne pravne pomoći, Optužnicu Županijskog

državnog odvjetništva u Puli, broj:K-DO-8/09-27, od 27.04.2009. godine, i Presuda Županijskog suda Pula br. K-20/09 od 23. rujna 2009. godine, Dopis Ministarstva pravde BiH broj:07-14-5-5983/09 od 04.06.2009. godine, sa odgovorom na molbu za međunarodnu pravnu pomoć broj KT-208/09 od 11.05.2009. godine, Ministarstva pravde RH broj: 720-03/09-01/5438 od 01.06.2009. godine zajedno sa dopisom Županijskog suda Pula broj: K-20/09 od 29.05.2009. godine uz popratne ovjerene dokaze, Dopis Ministarstva pravde BiH 07-14-5-5983/09 od 03.11.2009. godine, sa odgovorom na molbu za međunarodnu pravnu pomoć broj KT-208/09 od 30.06.2009. godine Ministarstva pravde RH br. 720-03/09-01/5438 od 11.09.2009. godine, zajedno sa dopisom Županijskog suda br. KIR-1053/09 od 07.09.2009. godine, sa zapisnicima o ispitivanju svjedoka Džanović Medine i Vukašinović Edvarda.

Sud je na kraju stekao uvjerenje da optuženi razumije da se navedenim Sporazumom o uvjetima priznanja krivnje odriče od prava na suđenje i da ne može uložiti žalbu na krivičnopravne sankcije i mjere koje mu se mogu izreći tim Sporazumom.

Sud je nakon saslušanja stranaka i branioca prihvatio predmetni Sporazum o uslovima priznanja krivnje optuženog, te je zakazan pretres radi izricanja krivičnih-pravnih sankcija i mjera optuženom, kao i drugih odluka Suda u vezi sa usvojenim označenim Sporazumom o priznanju krivnje optuženog i prijedlozima stranaka i branioca.

Na održanom i provedenom pretresu za izricanje krivično-pravne sankcije optuženom tužitelj, optuženi i njegov branitelj su saglasno predložili da se optuženom izrekne kazna zatvora u trajanju od 2 (dvije) godine, da se na osnovu člana 57. Krivičnog zakona BiH optuženom u izrečenu kaznu zatvora uračuna vrijeme provedeno u pritvoru, da mu se izrekne predložena novčana kazna, mjera sigurnosti oduzimanja predmeta, kao i da mu se oduzme korist pribavljena krivičnim djelom.

Zaključak da je optuženi počinio krivična djela koje mu se stavljaju na teret i za koje je oglašen odgovornim u izreci ove presude Sud zasniva na temelju ocjene provedenih dokaza, dovodeći iste u vezu sa odbranom optuženog, prihvaćajući izjavu optuženog kojom je priznao u cjelosti djela koja mu se stavljaju na teret optužnicom, te dovodeći priznanje optuženog u vezu sa provedenim dokazima, koje sve dokaze je Sud ocijenio i prihvatio kao istinite, objektivne i nesporne, pa je utvrđeno da je opisanim radnjama optuženi ostvario sva bitna obilježja krivičnih djela koja mu se stavljaju na teret, nalazeći da je optuženi kritičnih prilika postupao u uračunljivom stanju i sa umišljajem odnosno sa sviješću i voljom da ostvari zabranjene posljedice, zbog čega je Sud optuženog oglasio odgovornim i krivim za krivična djela iz izreke ove presude jer su djela potpuno i na nesumnjiv način za Sud dokazana.

Razmatrajući sve okolnosti krivičnog djela koje se optuženom stavlja na teret, a koja djela je optuženi priznao i za koja djela je izrazio kajanje i žaljenje, kao i razmatrajući sve olakšavajuće i otežavajuće okolnosti koje su se na strani optuženog stekle, Sud je predloženu kaznu zatvora, na osnovu članova 39, 40, 42, 48. Krivičnog zakona BiH, u vezi sa označenim Sporazumom o priznanju krivnje, optuženom izrekao sa uvjerenjem da će se sa istim kaznama ostvariti svrha kažnjavanja iz člana 39. Krivičnog zakona BiH.

Nakon izricanja presude odnosno navedene kazne zatvora, branitelj optuženog je predložio da se optuženom ukine mjera pritvora, na osnovu čl. 138. stav 1. Zakona o krivičnom postupku BiH, u vezi sa članom 126. i 126.a stav 1. tačka c) i d) istog Zakona, te da se ista zamijeni mjerama zabrane.

Sud je na osnovu člana 57. Krivičnog zakona BiH, odlučio da se optuženom u izrečenu kaznu zatvora uračuna vrijeme koje provodi u pritvoru, počev od 04.05.2009. godine do 09.07.2009. godine, kao i od 21.01.2010. godine pa do 06.05.2010. godine.

Pored izrečene kazne zatvora Sud je optuženom izrekao i predloženu novčanu kaznu, na osnovu odredbi čl. 39., 40., 46., 48., a u vezi sa Sporazumom o uvjetima priznanja krivnje optuženog, istovremeno ga upozorivši u smislu člana 47. Istog Zakona, kao i izrekao na osnovu člana 74. Krivičnog zakona BiH obavezu mjeru sigurnosti oduzimanja predmeta, te na osnovu člana 110. Krivičnog zakona BiH optuženom izrekao i predloženu mjeru oduzimanja imovinske koristi pribavljene krivičnim djelom, sve kao u izreci presude, a sve u vezi sa prihvaćenim Sporazumom.

Sud je na osnovu člana 188. stav 4. Zakona o krivičnom postupku BiH odmjerio troškove postupka, te optuženog obavezao na plaćanje troškova krivičnog postupka u iznosu od 1798,04 KM (troškovi Tužilaštva) i 100,00 KM (sudski paušal), sve u roku od 60 dana od dana pravosnažnosti presude, pod prijetnjom prinudnog izvršenja.

POUKA:

Protiv ove presude dozvojena je žalba Apelacionom vijeću ovog suda u roku od 15 dana od prijema iste. Žalba se ne može izjaviti na krivičnopravnu sankciju.

Zapisničarka
Gažo Mirela

PREDSJEDNIK PRETRESNOG VIJEĆA
SUDIJA
Goran Radević